

lute alsdanne czum rechten sten czu Kempnate under Waldeck vor unserm amptman und unser erber manschaft in derselben pfluge und herschaft. Und soliche recht sollen uff beide siiten, wanne sich das also fuget, in eynem monad czu ende bracht werden ane alle geverde. [5] Es haben wir — Friederich herczog czu Sachssen — und wir Friederich landtgrave in Doringen — uff eynen teyl in diese fruntlich eynunge 5 genommen und gezogen unser lande, sloße und alle unser dienere, manne und alle die unsern in der Voytlande genant und die herschaft Koburg und auch alle unser dienere und manne und alle die unsern darynne. [6] So haben wir obgenanter herczog Otte — uff dem andern teyl in diese eynunge genommen und gezogen das landt hie oben czu Beyern czu Amberg gehorig und alle unser dienere, manne und alle die unsern 10 darynne in nammen und an stadt — unsers lieben bruders herczog Ludewigs pfalzgraffen ꝛc., als wir danne solich sin landt czu diesen czüiten von sinen wegen inne haben. [7] Und welcher unser — dienere, manne oder die unsern sich an solichen oberurten rechten nicht wolten lassen genügen, dem nicht nachgiengen und das überfuren, so sollen und wollen wir — ernstlichen darzu helffen, die unsern, die sich dawedder 15 stelten, darzu halten und mit unsern amptluten das bestellen, das den oder dem, den das gescheen were, cyn glich recht und eyn genugen geschehe und widderfare nach billichen dingen in obgeschrieber (so!) maß, ane geverde. [8] Were es aber, das suß yemands, were der were, die in dieser eynunge nit begrieffen und unser diener nicht weren, unser —, unsern landen oder luten übergriefft tädten oder tun würden, so sollen 20 wir — alle drii, so wir des von den andern under uns fursten, die das angieng, in geschriefft crynnert oder erfordert werden, und alle unser amptlute mit den unsern landen^{h)}, luten, wo man soliche mit unsern slossen, stedten, lande und luten, die^{l)} sie danne iren enthalt hetden oder gewonnen, herreichen^{k)} mochten, unverzogenlich darzu tun, czuziehen und getruwlich helffen und radten, damit solichen übergriffen 25 und beschedigern in solichen iren enthaltunge czügeseczt würde mit hülffe und andern sachen, als sich das gebüret, das solichs gewendet und gewert wurde czu gleicherweise, als ob das unsere obgenanten fursten ynglichen besunder angieng und sin eigen sache were. Es soll auch sollichen weder von uns, von unsern amptluten noch dhein den unsern keyn furderunge, geleyte noch czuschub in dheinen unsern steten, slossen, 30 merekten, dorffern noch landen in dheine wise gegeben, getan noch gehalten werden. [9] Und wir — alle sollen und wollen auch das in den nehsten vierzehen tagen nach datum dieses brieffs allen unsern amptluten in den vogenanten unsern herschefften, gebietden und landen dem also nachezugende und das vestiklichen unvorbrochenlich und getruwlichen czu halten ernstlichen gebietden und befelhen. Und diese^{l)} eynunge 35 soll von uns — allen driien, unsern amptluten und den unsern in den vogenanten herschaften diese nehstkunfftigen druwe jare nacheinander folgende nach datum dieses brieffs weren und getruwlichen gehalten werden. Uff das so gereden wir — Friederich herczog czu Sachssen —, wir Otte pfalzgraffe bii Rine — und wir Friederich landtgrave in Doringen — allen drii bii unsern furstlichen truwen und eren, diese 40

413. h) und Zusatz A. i) da A. k) erreichen A; herrechten C. l) unser Zusatz A.